

不味人功銀煙在子奇

憲

庫務司羅 爲諭完納抽餉事

事照得本港所有估擬現年各季差役街燈救火壯勇水價等餉各業主須於英十月內上期輸納茲特勸諭爾業主等應於英十月三十一日之先完納各餉項如有過期仍未輸納者卽由 臬憲衙門告追各宜凜遵毋違特諭 一千八百八十二年十月初二日示 五十六



緬甸近事 緬甸信息謂現有人以其國內地產礦之處內多寶石足擅利藪特糾合同人湊資設一公司以便招人前往採掘復延聘法礦師般威刺往驗礦苗俾知其果否盛旺以便開採現又有人於緬甸都城外五十里覓得地一區縱橫百丈有奇乃產玉石者緬廷以礦務有益於國特授法礦師般威刺以官職俾其盡心考究務使其事之有成焉緬廷此舉可謂知所急務矣○上海近報 上海哥利亞西報謂上海昨有英艦埃仁刀忌砲船兵役請於督駕給假登岸游行遂到一酒館沽飲而座上先有德國意大利沙伯砲船兵役各據一席互相勸酬彼此各適其適頗形浹洽不料酒酣耳熱之後忽有德國兵役促一少年返船少年不允德兵將少年推出門外英兵見之以其恃力欺人微加訕笑德兵聞之變羞成怒答以惡聲始而角口繼而用武英國向例凡兵役登岸不得攜帶兵器而德國則否及既構釁德兵各拔利刀以逞兇鋒英兵惟奮空拳與之相搏遂被斫傷勢同鼎沸英國砲船兵役聞而急難德兵亦愈聚愈眾各助其黨混相鬥殺及各船管駕聞變帶兵趕緊登岸彈壓而血泊中英兵已傷有八名中有六人受傷較重於疊昇入醫院調理翌日醫生報稱有一二人傷及要害恐有性命之虞而其餘則日有起色想日間可漸望平復云

可憐一炬 新金山雪梨埠八月十二日新報謂是處於去年建有賽物院結構堂皇寶物充切誠宇內一鉅觀也不料昨早六點鐘時候忽然失慎以致烈燄衝天黑烟匝地眾人奔起竭力救護無如箕伯揚威勢難嚮爾將數載之經營鉅萬之貲財盡為祝融攝去及至火熄惟見焦土成堆灰燼慘目夫竭幾許精神物力始克聿觀厥成方欲垂之遠承以遺後人而變生頃刻豈聚散之靡常抑劫數之使然也○擬設練兵 本港官報謂署輔政使司史君現奉到署督部堂馬札開欲在本港團練勇中添設炮兵一旗以備意外特簡派沙元戎部下之武弁以為統領凡有志從戎欲敵愾而建績於以取富貴成功名者可具稟先到輔政司署投遞以便註名於冊而選用焉

電線修葺 大東部電線公司佈啟言小呂宋之電線前為颶風所壞經鳩工修葺告竣不料復因箕伯肆虐再被摧損是以仍難傳遞屬札魚書香港懸待西貢之電線昨經查有不佳之處擬僱工匠將某處海底之線割斷另行重新修造現因天色變幻波濤洶湧所遣往之船不能停泊難以興工惟念電線為通信最要之物不可一日或廢茲暫將割斷之線續回聊以應用焉○輪船往澳 港省澳輪船公司出有線續回聊以應用焉○輪船往澳 港省澳輪船公司出有佈啟謂所建造之河南火船定於月之十八日即禮拜日上午八點鐘由港啟行駛往澳門俾中外士商得觀其船之堅固機器之靈活而樂於附搭焉即於下午五點鐘時回港云



100



此新開紙由香港歌賦街第五約門牌第三十九號中華印務總局王韜刊印